
Туман кенгаши сессияси

АНИҚ МАНБАЛАР БЎЛМОҒИ КЕРАК!

Халқ депутатлари Ёзёвон тумани кенгашининг эллагинчи сессияси бўлиб ўтди. Сессияда туман ҳокими ўринбосарлари, сектор раҳбарлари, масалага дахлдор давлат ва нодавлат ташкилотлари бошлиқлари қатнашдилар. Сессияни туман кенгаши раиси, туман ҳокими Дилшоджон Джалилов очди ва олиб борди. Кун тартибидаги “2022 йил маҳаллий бюджетни тасдиқлаш тўғрисида” туман молия бўлими мудирини Сайфулло Мирзаев маъруза қилди. Маърузачига кенгаш раиси маҳаллий бюджетни кўпайтиришда асосий эътибор нимага қаратасиз, дея савол берди. Жавобни ўзи тўлдирди. – Янги йилда қуриладиган “Янги Ўзбекистон” массивида 3 гектар боғ бўлади, – деди кенгаш раиси. – Уни яратиш учун маблағ зарур. Шунинг учун аниқ манбаларни режалаштириш керак. Молия ва солиқ органларига таклиф тайёрлаш юклатилди. Кун тартибида қўйилган масала юзасидан тегишли қарор қабул қилинди.

ЁЗЁВОН ТУМАНИ ҲОКИМЛИГИ АХБОРОТ ХИЗМАТИ

2021-12-30 16:12:04